





第一二二一册

四庫全書

●上海古籍出版社

花
谿
集

隱

山
存

附 東山趙先生訪行狀

東
維
子
集

附卷
錄首

元沈夢麟撰

沈清編

胡行簡撰

趙
汴撰

詹烜撰

元楊維禎撰……………三七二

欽定四庫全書

集部
性情集卷一至三

詳校官中書臣孫衡

中書臣劉源溥覆勘

膳錄監生臣王人作
膳錄貢生臣王兆泰

欽定四庫全書

集部五

提要

別集類四元

性情集六卷

臣等謹案性情集六卷元周巽撰巽事蹟不見于他書其詩集諸家亦未著錄惟文淵閣

書目載有周巽泉性情集一部一冊與永樂

大典標題同吉安府志又載有周巽亨白鷺

洲洗耳亭二詩檢勘亦與此集相同而集中

欽定四庫全書

性情集
提要

擬古樂府小序則自題曰龍唐老父周巽云

云以諸條叅互考之知巽為其名而巽泉巽

亨乃其號與字也集中自稱嘗從征道賀二

縣徭寇以功授永明簿則在元曾登仕版而

所紀干支有丙辰九月當為洪武九年則明

初尚存矣巽詩格不高頗乏沉鬱頓挫之致

然其抒懷寫景亦頗近自然要自不失雅則

集以性情為名其所尚蓋可知也元末吉州

一郡如周震震楊允孚郭鈺等皆有詩集流

傳而異詩獨佚殆亦有幸不幸歟今据永樂

大典所載蒐羅編緝釐為六卷俾與石初諸

集存于世亦未嘗不分路爭馳矣乾隆四十

六年九月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

性情集
提要

二

欽定四庫全書

性情集卷一

元 周巽 撰

擬古樂府序

余讀太原郭茂倩所輯樂府詩上自唐虞三代歌謠下

逮漢魏晉宋齊梁陳隋唐君臣所擬諸體樂曲歌辭凡

百卷淵乎博哉服膺歲久粗會其意因以漢鼓吹橫吹

相和清商舞曲琴曲雜曲并近代新樂府辭倣其體制

雜以平昔見聞積成百有五十四篇第學識淺陋音節

欽定四庫全書

性情集
卷一

舞調未能合乎古作之萬分然於芻蕘之言或有可采

暇日令丘彬編次為二卷以俟知音者相與正焉歲在

丙辰九月望日龍唐老父周巽謹識

聖人出

羲軒位皇極如月行中天聖聖繼作則瓊典斯流傳乾

坤大一統圖書垂萬年高國來彩鳳清廟鳴朱絃尼父

振遐躅人文日丕宣

上之四

珠宮三十六避暑之回中地勢蕭闌險雲氣蓬萊通迴
巖蔽赤日飛瀑含清風仙桃進王母金芝獻玉童巡遊
樂無極數幸甘泉宮

臨高臺

崇臺凌空起登者憑雕闌上摩黃鵠近下見清水寒高
振飛霞珮俯挹承露盤雲霄使闕並基址萬年安柏梁
歡宴夕乘月騁青鸞

巫山高

欽定四庫全書

性情集
卷一

二

我裁十二峯上有凌雲梯峯出高唐峻雲來太白低山
鳥飛不過峽猿愁亂啼望極魂欲斷夢中心自迷遙憐
楚臺語芳草碧萋萋

遠如期

軒轅上天去羣臣從者誰不得琴龍駕長思來鳳儀山
頭候子晉海上逢安期贈以五色棗酬以九莖芝仙人
去已遠重來期此時

元會曲

青陽正開動彤庭慶昌辰霞光隱鸞馭日色動龍鱗
生一葉始芝滿九莖新覽輝下儀鳳化泰集祥麟千官
齊舞并天子萬年春

校獵曲

豪鷹厲風翮駿馬騰霜蹄長揚出旌麾上林喧鼓輦飛
羽雲中落駭獸草間啼翻身射天狼隨手墜金雞詞臣
賦羽獵侍宴明光西

戎行曲

欽定四庫全書

性情集
卷一

三

東征度遼海朝雨浥塵沙珠袍黃金甲玉轡白雪騶前
鋒耀戈戟後騎鳴鼓笳連城不足拔諸將毋庸誇殺氣
昏海霧軍還應自嗟

送遠曲

行邁何靡靡惜別意留連花底注瑤竿柳陰停玉鞭大
旗懸落日高蓋凌飛煙笳吹茲辰發凱歌何時還邊風
鴻鴈來應有捷書傳

郊祀曲

園丘報本始黍稷薦芳馨上帝鑒下土茲壇朝百靈瑤
階降甘露璇霄羅景星猗那協音律於穆想儀刑錫福
恩無疆四海歌咸寧

飲馬長城窟

漠漠遼水雲明明關山月迢迢萬里城歷歷飲馬窟有
婦哭聲哀哭城城為摧秦兵五十萬白骨雪成堆至今
窟中水猶是當時淚涓滴積成泉長留在邊地前年度
遼西渴馬遠城嘶八月天已寒雪飛沙路迷今歲陰山

欽定四庫全書

性情集
卷一

道解鞍卧沙草魂隨秋雁歸夢見家山好早晚向臨洮

朔風吹節旄歸騎大宛馬玉盃醉蒲萄

子夜四時歌

樂志曰子夜歌者晉曲也晉有女
子名子夜造此聲過哀苦發人更

為四時行樂之辭
謂之子夜四時歌

鴛鴦合歡夕風動繡帷開明月流光入夢回心自猜桃

花開又落不見翠鸞來

右春
歌

芙蓉合歡帶玉佩紫羅囊綰作同心結襟抱含清香妾

心連箭苦愁緒藕絲長

右夏
歌

珊瑚合歡枕無寐過中宵背壁寒燈暗花殘恨未消涼
聲鳴落葉天際雁書遙

右秋
歌

錦繡合歡被香篝宿火殘玉樹霜華結烏啼清夜闌起

看梅破夢欲折寄來難

右冬
歌

出藩曲

承恩辭帝所分封出藩陞綬綰黃金印旌麾翠羽旗香
凝燕寝晝花暖鳳臺時閭外恩光被庭中淑景遲功成
如作樂請奏南風辭

欽定四庫全書

性情集
卷一

秋胡行

鴛鴦在芳洲飲啄長相顧雌留楚水濁雄飛秦苑樹娟
娟誰家女嫁作秋胡婦合婚纔五日夫婿離家去五見
櫻桃花思君在何處膏沐難為容中閨守貞素春日載
遲遲采桑陌中路忽逢馬上郎持金前致語正色不可
干攀條衣濕露采采未盈筐蠶餓那可住忽聞夫遠歸
歸見相驚顧乃是遺金者升坐向姑訴妾心皎如日夫
意輕如羽鳥猶有儔匹人豈無思慮中流忽自沈大節久

彌著

相逢行

渭北一相逢停鞭駐玉驄問君家何處云在洛城東離
家今幾載歲月如轉蓬話舊各傾倒相看如夢中解貂
秦樓裏盡醉酬知己秦女揚清歌霏霏啟玉齒兩臉桃
花紅翠袖舞東風斜暉轉楊柳新月上梧桐此會良可
樂傾壺思再酌昨日見花開今晨惜花落流景不再來
別離恨難裁人生會面少且覆手中盃明朝又分首上

欽定四庫全書

世情集

馬東西去遙望秦關雲高連渭城樹

羅敷詞

青青陌上桑盈盈桑下女行行逢使君駐馬前致語答
云秦羅敷採桑事勤苦夫為侍中郎久官在公府君意
一何癡妾身自有主彩鳳在高岡睢鳩在中渚物微知
所託去去莫延佇綠葉已盈筐蠶饑日將午

有所思

長門春寂寂宮漏夜遲遲明月流珠戶輕風開繡帷昔

承恩寵處猶想夢來時不見金鑾幸惟應玉筋垂燈花
明又暗佳期杳難期

門有車馬客行

解題曰皆言問訊其客或得故舊鄉里或駕自京師備敘市朝

還謝親友形喪之意也

門有車馬客清晨過衡門一見知舊識傾蓋停高軒延
客中堂坐殷勤聽嘉言問訊來何處答云家平原離鄉
三十載喪亂今誰存曾逢同骨肉相見如夢魂交歡展
華宴適興奉清樽水鱸切鮮鯉蕙肴雜芳蓀中情既相

欽定四庫全書

世情集

洽密語方細論冠冕豈不貴簿書亦已繁蠅營與狼顧
昧者競馳奔蛾以燈自滅玉同石俱焚人生若朝露富
貴如浮雲今我不為樂晨興忽已昏持盃各傾倒感子
意彌敦驅車出門去林月照東園

戰城南

將軍初出塞列陣龍城南霜飛殺氣肅日落戰聲酣
殺毒流矢鋒交血染函單于行繫頸嫫姚且停驂凱旋
何神速破敵有兵貪

入朝曲

聖作萬物觀如日天之中玉帛來羣后車書慶大同翔
轂臨馳道鳴珮集上宮天香滿臣袖封事達帝聰
職慚無補賡歌頌成功

長門怨

金闈月色暗玉樹霜華寒戶外珠簾捲時時望翠鑾還
聞觴王母池上宴將闌甘露和玉屑恩疎那得餐昔為
上林花今為荒原草草自近來枯花能幾時好妾心君
欽定四庫全書
性情集
卷一
未知君寵妾難期寧食蓬中的休牽藕上絲不愁娥眉
妬常恐神仙誤君如天上龍妾如草頭露長門夜未央
月闕近清光新怨長相結舊恩終未忘

洛陽道

行行重行行東出洛陽道離離禾黍場踈踈為茂草繫
昔營洛時地不愛其實貢賦道里均明良朝會早九衢
霏紫烟雙闕麗蒼昊槐柳陰階香塵淨如掃歲久競
繁華物盛還枯槁一從周鼎遷漢興基再造佳氣復蔥

蔥邦畿古來好瞻彼泱泱流往事聞父老賈誼才可憐
石崇富難保京洛風蕭蕭天津日杲杲周道少人行憂
心愁如擣

昭君怨

漢宮佳人列仙姝顏如舜華雪膚如玉鳳搔頭金纏臂
琇瑩充耳雙明珠美目清揚含百媚同心綰結青珊瑚
三千宮女誰第一當時王嬙絕代無天子按圖初未識
承恩遠嫁南單于朝辭皇都去日逐胡馬驅邊塞幾千

欽定四庫全書

性情集
卷一

九

里行行但長吁心中萬恨向誰訴馬上琵琶聊自娛鴻
鴈南飛漢月遠驂驢北去燕草枯朔風吹沙砭人骨寒
雲雨雪斷胡鬚銀窺蒲萄初出酒寶車駝駝新取酥帳
中強飲解愁思情至酒酣愁未紓明月流光照趨關
路迢迢不可踰幾回夢想黃鸝飛入長門侍玉與胡
情不似漢恩重要意終憐君寵疎君不見紅顏命薄何
足惜長恨和我計策迂四絃不盡昭君怨千古空留青
塚孤

猛虎行

疾風撼林木空谷來嘯聲秋氣何肅殺於菟晚縱橫眈眈掉尾相逐行一獸咆哮百獸驚玉爪拳鉤蹴冰裂金精夾鏡流電明磨牙吮血食人肉威勢慘酷傷羣生荒野雲深山月黑猿啼老樹寒蕭瑟馮婦回頭不下車李廣彎弓空裂石郊原千里絕人行近郭時時見其迹嗚呼安得政化如劉琨虎北渡河風俗淳外戶夜開無吠犬耕桑共樂江南村

欽定四庫全書

性情集
卷一

十

銅盤歌

武皇鑄銅柱上有承露盤盤出仙人掌高凌浮雲端金甃的皪珠光寒和以玉屑供朝食一旦神歸茂陵去苔花滿眼秋霜殘思君不見淚如雨銅柱淒涼園畫欄渭水西風黃葉落驅車遠載來京國盤傾柱折聲如雷驚起千年華表鶴暮雨空山泣石麟寒烟斷甃埋銅雀君不見芳林翁仲笑相迎青鳥不來海波涸

陽春曲

東風噓谷飛香霞淑氣融融催百花黃鳥間關語庭樹

清簫宛轉隔窻紗雨過御溝流水急天桃夾路紅雲濕

蓬萊宮裏翠華來華萼樓前僊樂集殿閣千門御氣通

金憲珠戶光玲瓏臨軒若問司農政無逸先陳今古同

萬物光輝沾德澤小臣愚獻治安策驚聲噦噦早趨朝

桑樹鷄鳴曙光白

織錦曲

金梭動玉腕舉當憲織錦誰家女七襄終日不成章五

欽定四庫全書

性情集
卷一

十一

色牽情亂如縷遙想夫居天一方關山迢遞河無梁燈

前素絲鳴絡緯機上交頸雙鴛鴦舊恨難裁幾行字新

愁暗結九迴腸照帷銀燭空懽影墮壁綠絨猶帶香忽

聽喔喔隣鷄唱停梭起視心徊徨星橋暗想飛鳥鵲雲

錦旋看成鳳凰君不見漏斷金壺啼玉筯思君不見知

何處織將錦字寫中情寄與明年春雁去

梨花曲

仙妃下瑤圓靚粧素素驚盈盈含芳思脉脉倚闌干水

玉肌膚夙貞潔多情長得君王看白雲滿階月欲暗香
雪半樹春猶寒鴛鴦高枝迎淑景隔花低蹴鞦韆影美
人微笑步花陰玉纖自把宮鬟整東家蝴蝶雙飛來芳
魂欲斷梨雲冷

琵琶曲

明妃初出塞愁恨寄哀絃千歲琵琶語六么音調傳新
聲乍轉鶯啼樹餘響不斷龍吟川拂指四絃如裂帛銀
牀葉落悲寒蟬空林浙浙鳴虛籟幽澗冷冷流瀑泉獨

欽定四庫全書

性情集
卷一

十三

抱中情向誰訴曲終馬上啼蟬娟鳳鳴朝陽苦難見鴈
叫羅浮私自憐別有離愁彈夜月潯陽江頭停客船鳴
絃撥盡清商怨月冷蛾眉秋滿天翠袖拂絲聲切切青
衫濕淚思綿綿君不見越女吳姬美如玉十三彈得琵
琶曲一朝遠嫁隨征夫望斷江南春草綠

空城雀

空城雀喧啾無樹棲城角雄飛雌哺黃口雛羣逐荒蕪
無粟咏何不飛去山林樂城頭日落號烏鵲城下荊棘

霏寒烟朝昏飲啄不充腹磔磔悲鳴誰汝憐自歎空城
非所止猶勝身罹網羅裏君不見郊原四面皆網羅無地
潛蹤將奈何安得仁恩及微物雨露生成圓泰和

野田黃雀行

野田有黃雀羣飛向村落禾黍秋來啄食肥蓬蒿暮宿
潛身樂不同飛燕營窠巢豈遂征鴻罹緇繳微物猶知
棲息地四維塵網誰能避君不見鸚鵡在樊籠幾時脫
迹山林中

欽定四庫全書

性情集
卷一

十一

梅花引

君不見西漢梅子真精魂化作花中神君不見開元宋
廣平辭語採得花中英鐵石心腸賦偏麗神仙風韻氣
獨清江南十月芳信早萼綠花開照晴昊玉樹皎如水
雪明詩人吟到乾坤老萬松崩下月昏黃忽憶故人天
一方折得繁花無使將空山月落遙相望霜寒野迥聞
殘角撩亂漫空香雪落長嘯曾驚洞口猿高吟欲借山
頭鶴幾回踏雪過溪橋滿眼白雲寒欲飄倚竹相看歆

翠袖歸來三日香不消揚州歲晚花猶盛聞說東皇消
息近笑問花神不肯應為君傾倒酬清興我歌梅花引
勸飲君莫辭大羹調以黃金鼎旨酒酌以白玉卮氣轉
洪鈞在頃刻挽回春意非君誰

倚蘭操

朝露凝兮奕葉光紫莖出兮芬芳託根兮楚畹芳菲非
兮滿堂念中情兮不能忘擊玉珮兮紉幽香操鳴琴兮
動清商歎遺音兮心徊徨懷美人兮天一方感露霜兮
沾裳

欽定四庫全書

性情集
卷一

十四

別鶴操

孤鶴度遼海辭家已千年棲息向華表飲啄下青田雪
為衣兮朱為頂清聲喚兮聞九天有客結廬兮傍林泉
聽遺音兮彈鳴絃竹風動兮夏夏松月落兮娟娟恍臨
軒兮無影飄縞袂兮蹁躑長鳴兮拂羽挾雲巢兮飛仙
忽神遊兮蓬島響天籟兮泠然

性情集卷一

欽定四庫全書

性情集卷二

元 周巽 撰

擬古樂府

節士吟

脩竹生中林長松在幽壑嚴冬霜霰零枝葉不黃落夷
齊歸西山餓死無愧顏魯連蹈東海一去竟不還蘇武
持漢節飢來嚙寒雪遂使李陵慚去住難為別古人重
義不顧身聲名烈烈垂千秋春採薇嚙雪辭金者寥寥千
載空無人睽彼官遊子胡為寡廉耻我歌節士吟六合
清風起

欽定四庫全書

性情集
卷二

羽觴飛上苑

春風二三月綺席列瓊巵鶯啼上林苑花覆太液池酒
令行觴飛羽急樂歌轉曲流聲逐玉醴香中春激灑金
波影裏翠參差冰絃觸拍雁初度風筇啓唇鸞乍吹宮
錦淋漓羅袖濕蛾眉起舞雙玉妃君不見長揚日落天
仗去清夜銅仙空淚垂

薄暮動絃歌

斜日照東壁樂音紛滿堂
翠蛾啓皓齒玉指彈清商
花前起舞青霓裳絃將白雪聲
遠梁秋風洞庭叫鴻鴈
春日高臺鳴鳳凰
畫刻苦短更漏長
寶篆香消銀燭光
君不見承恩飛燕來
昭陽天留一鑑吁可傷

鷄鳴高樹巔

東方曙色動喔喔金雞聲
初唱疎星落再啼斜漢傾
朱冠搖搖奮錦翼飛出扶桑枝
上鳴生秉五德合陽精
司

欽定四庫全書

性情集
卷二

晨長是臨五更氣雄將
鬬躍金距餘勇未衰猶力爭
有客能鳴度闌早何人促起舞
劍輕朝來喧呼驅上樹木末聲殘
風露清思婦因之驚遠夢歸人不至感中情感
中情向誰訴人在邊頭音信無幾回夢遶關山路

錦樹行

吳江上郢水東木落秋霜冷
波涵夕照紅天機織成五色綺
地氣吐出雙飛虹低連曲岸山嵐曙
遠接寒岡野燒空楓葉滿林凋玉露
落霞影裏飛孤鷺漁歌聲斷綵

雲留我行見之歲云暮關河萬里鴈書遙行子天涯在
何處我歌錦樹行曲盡難為情十月桃花爛如錦運糧
初過南昌城

壯士歌

君不見荆軻辭易水飛蓋過秦宮一去不復還白日貫
長虹又不見樊噲入鴻門瞋目髮衝冠立飲斗卮酒狂
言敵膽寒秦王絕袖環柱走沛公間行脫虎口兩雄事
異壯心同擁盾何慚持匕首近代羽林如虎貔黃金環
甲元武旂三石瑠弓百發中千鈞寶鼎獨力移時危此
輩盡奔散如噲如軻知是誰落日高臺大風起安得守
邊皆猛士力挽天河洗戰塵功名圖盡麒麟裏

關山月

蓋傷離別也

披青雲見丹闕玉鏡懸青天幾迴圓又缺居庸古北接
陰山照見長城多白骨胡笳夜奏聲嗚咽羌笛曲吹楊
柳折短娥流彩到中閨邊鴈不來音訊絕音訊絕夜夜
馳情瞻兔窟天闊清秋河漢遙思君夢斷關山月

欽定四庫全書

性情集
卷二

梅花落

中庭一樹梅飛雪委荒苔我行驚歲暮幾回花落又花開
玉筍啼妝面思君契闊何由見城頭霜角入雲悲吹斷
芳魂淚如綫

芳樹

前庭植芳樹雨露華滋下有盤根節上有連理枝鬱鬱
鬱清陰合離離佳實垂榮華信可愛零落亦可悲佳期
彩雲散倚樹長相思

欽定四庫全書

性情集
卷二

四

元冥曲

元冥啓芳籍化機動元英六華凝中素一氣分太清涵
養成佳實味之以和羹碩果如不食剝盡還復生

車遥遥

車遥遥去何之馬蕭蕭鳴深悲路遠關山千萬里望君
不見長相思黃塵蔽日征鴻斷肝腸似割空留戀霜雪
墮指冰斷鬚未寄衣裘淚如綫長途豺虎方縱橫魂驚
膽落傷中情傷中情向誰訴百歲光陰暗中度車遥遥

何處去

遠別離

朔風起鴻鴈來遙傳蘇武訊直過寧陵臺萬里關山和
月度幾行書字拂雲開羣飛速清鳥驚亂陣落平沙鷗
鷺猜自是隨陽向南去非關避雪待春回數聲驚起閨
中怨夫在邊頭何日見水長天遠若為情月下停砧淚
如綫

怨王孫

欽定四庫全書

性情集
卷二

五

王孫遊憺忘歸芳草綠落花飛草綠花飛春又暮憶君
心緒宵斜暉水流赴壑何時返心逐鴻歸關路遠華萼
樓前白日昏芙蓉帳裏香雲暖夢見王孫雪滿裘腰間
玉帶珊瑚鉤金鞭斷折銀貂敝昔日紅顏今白頭魂一
驚淚雙落娟娟殘月入房櫳浙浙淒風動簾幙

採蓮曲

泛西湖西湖五月初盈盈綠水開紅蕖纖手雙搖木蘭
槳荷花蕩裏移輕舫花深葉密不見人隔花遙聽菱歌

唱菱歌唱中情自惆悵權遠四堤去復來搖動露盤珠蕩漾
珠蕩漾不成圓日照芙蓉顏色鮮嬌態臨風歛翠蓋新粧
映水落青鈿採花休採葯心苦誰如妾顏紅羞比花眉
翠還同葉南風送微涼吹香襲荷裳折花挹荷露驚散
雙鴛鴦夫君在何處妾心詎能忘碧荳刺手絲不斷芳
容常恐凋秋霜誰家遊蕩子調笑妾湖水妾心自比花
更清獨掉歸船明月裏滿身香露迴中房月掛高臺鸞
鏡光吳姬越女多愁思歌遠湖波空斷腸

欽定四庫全書

性情集
卷二

六

長安道

長安甲第連雲起馳道迢迢直如矢香霧滿城飛鼓來
千門萬戶東風裏路入甘泉御氣通樓閣丹鳳霞光紫
玉階朝覲響瑤珂僊仗傳呼鳳輦過柳拂龍旂露猶濕
交衢雙舞鳴鸞和上林春早啼鶯亂渭水秋深落葉多
豈知一旦繁華歇未忝離離將奈何有客有客長安道
衣裏塵滿愁難掃旅懷欲寄雁不來富貴翻憐故鄉好
君不見長安道上多虎狼常恐行人度關早

芙蓉行

天門初曙啼早鴉西風吹落丹霄霞美人閒倚闌干立
錦樹頌霜初見花美人顏色花可比歲晚見之心自喜
鴻鵠沙邊雲彩飛珊瑚枝上虹光起密葉玲瓏亂翠毛
繁英爛熳裁文綺宮女焚香別殿中秦娥攬鏡粧臺裏
朝來艤棹驛亭西疑是美人隔秋水紅粧翠袖青霓裳
微笑含情啓玉齒木末霞消落日紅相思咫尺雲千里

桔槔行

八月陂塘秋欲涸車聲軋軋連村落晚禾將槁大田枯
絡緯悲鳴止還作蟋蟀垂光飲斷流蛟龍蛇骨臨深壑
汗流被體足未停辛苦救得禾田青十日無雨穗將絕
蕩蕩昊天呼不聽君不見秋糧已免皇恩早天賜豐年
應更好不用含愁怨桔槔化機頃刻回枯槁

苦熱行

祝融南征馭赤龍鵠火飛燄當前鋒渴鳥吸盡蓬萊水
妖虹掛在芙蓉峯田疇枯槁泉欲竭沙石銷鑠金為鎔

重惜民憂魚鼎沸得非帝遣龍門封雲蒸谷口澤未降
虎嘯巖前風不從六合如在洪爐裏不知何處堪潛蹤
嗚呼山林晦迹無地容安得天風駕我遊鴻濛

長相思

長相思惜芳顏郢樹雲深不可攀三峽猿啼夕照間瞿
塘江寒水初落巨石奔流多險艱百丈牽江行水灣望
斷征鴻過衡嶽夢隨行雨來巫山霜凋黃葉鳴絡緯夜
長不眠淚潛潛長相思何時還

欽定四庫全書

性情集
卷二

八

楊白花

楊白花白於雪漫空撩亂飛瓊屑有美人兮將別挽柔
條兮初折絮紛紛兮舞離筵酌綠酒兮鳴朱絃感中情
兮惜芳年迎章臺兮舞袖繞隋堤兮吟鞭去金河兮幾
千里攬愁緒兮綿綿思夫君兮不息望雲鶴兮翩翩

蒼龍吟

江潭月冷流清音紫竹吹作蒼龍吟含商引徵曲意深
曲意深淚沾襟聞山遠何處尋美人滿酌金屈卮勸我

行樂當及時艷歌流舞揚光輝揚光輝照春日壽萬春
歡未畢

效樂未央體詠梅二首

六花出一陽生催凍木吐寒英棲遯谷巖裏凜如聖之
清

冰注魄雪霏香發春意冠年芳元氣所融結花中之素
王

野有梅思君子也君子在野感物而托興焉

欽定四庫全書

性情集
卷二

九

野有梅山有璞歲將晏兮微霰初落我思美人如玉追
琢

山有璞野有梅歲云暮矣飛雪皚皚美人既見我心孔
諧

吁嗟美人兮贈我以瓊英酬以珮玦聊結中情願守貞

白母渝初盟

清平調三首

武皇開宴影娥池侍宴阿嬌新寵時金屋春深扶醉起